

میر جعفر پاشا شہروری (جو اوزار دہ ظلمانی)

سنگینہ از لاری

WWW.AZODKITAB.NET

روزنامه میزین دیای (۱)

روزنامه میز آذربایجان دیلینه آرتیق اهمیت ویره جگدیر. دیلمیز دشمنارین بوش ادعالارینا باخما یاراق چوخ گنیش و غنی بیر دیل دیر. اونون ریشی خلی میزین قانیندا واوره کینده دیر.

بیزاونی آناسودی ایله امیب وطن میزین روح نواز هواسی ایله تنفس ایتمی شیک. اونا توهین ایدنلر. اونی تحمیلی و مصنوعی گوسترمک ایستینلر بیزیم حقیقی دشمنلر میز دیر. چوخ خائن و اجنبی عنصرلر قرن لرایله بو گوزل دیلی اورتادان قالدیر ماغا چالیشمیشلار. اونون ترقی سینیه و یاشاماسینا مانع اولماق مقصدیله مخصوصا ان غدار آزادلیق دشمنی اولان رضاخان دولتی وار قوه سینیه صرف ایتمی شیدیر. بونونلابیله او سارسیلماز و محکم بیر حالدا خلقین ایچری سینده باقی قالیب ئوز مقامینی ساخلا میش بو واسطه ایله مدنی و مترقی بیر دیل اولدوغی اثبانه یتیش می شیدیر.

آذربایجان دیلی دیمی بیر دیل دگیلدیر. اونون بویوک خلق. گنیش جماعت قوه سی کیمی آرخاسی واردیر. دیلمیز خلقین پارا تدیغی داستانلار. ضرب المثلر. حکایه و نقللر واسطه سیله دنیانین ان بویوک دیللری ایله رقابت ایددیلر. شاعر لر میز. ادیب لر میز بودیل واسطه سی ایله ئوز احساساتلارینی و ئوز هنرو صنعتلرینی وجوده کتیریب خلقین نظرینی جلب ایده بیلرلر.

بیزیم وظیفه میز اونی گنیش لندیرمک، اونو معاصر حالاسالماق، اونون گوزه لیک لرینی. اینجه لیک لرینی حس و آنتینی توز تورپاق آراسیندان چیخاریب تمیز و عالی بیر ظرف ایچری سینده خلقه تقدیم ایتمکدن عبارت دیر.

آذربایجان دیلی اوقدر قوتلی و اونون صرف ونحو قایدالاری اوقدر محکم و طبیعی دیر که. حتی اونون ایچینه وارد ایدیل میش فارس و عرب کلمه لری اخراج ایدیلسه بیله اونونلا بویوک فکر لری. عالی مقصدلری یازیب شرح ویرمک ممکن دیر. لاکن بیز خلقین استعدادینی نظرده توتوب بو ایشی ناگهانی بیر صورتده گورمگه احتیاج حس ایت می ریک. عقیده میزه گوره یازی گرک خلقین دانیشدیغی و آنلادیغی بیر شیوه ده ادامه تاپ سین. مقصد میز ادبی مسابقه دگیل. خلقی باشاسالماق. اونا حقیقتی آشکار بیر صورتده گوسترمک دیر. اوجه تندن بیز خلق طرفیندن قبول ایدیلیب استعمال اولونان عرب و فارس

۱- مقصد، ۱۳۲۴-نجی ایله تشکیل تاپ میش آذربایجان دموکرات فرقه سینین مرکزی اورقانی اولان «آذربایجان» غزه تی دیر.

کلمه لرینین موقتی اولسا بئله ساخلاماق لزومونی انکار ایتمیریک. لاکن اونلاری ئوز دیلیمیزین قایدالارینا تطبیق ایدیب آهنگینه اویغون بیرحالا گتیرمه لییک. دنیا دا بیردیل تاپیلماز که، اوتامامیله مستقل اولسون و قونشو دیل لرین تاثیرینه دو شمه سین. بیزیم آذربایجان دیلی ده آذربایجانین تاریخی و جغرافی موقعینه گوره اجنبی دیل لرین تاثیریندن کناردا قالما یئدیر. ایستر-ایستمز بیر چوخ بیگانه کلمه لر خلیمیزین آغزینا دو شموش، مرور زمان ایله ملی شمیشدیر. بیز دیلین تکاملینی نظرده توتوب او گلمه لردن استفاده ایتمگی لازم بیلیریک. لاکن بوندان سوء استفاده ایدیب دیل و یازینی غلیظ لشدیرمک. وحشی و معناسی آنلا شیلماز کلمه لری حسابا قاتما غا جدا مخالفت ایتمه لییک.

آذربایجان یازیچیلاری قبول ایتمدی کلمری بیرچتین و آغیر وظیفه نی ایمان و عقیده ایله ایفا ایتمکله دیلیمیزین گوزه للیکینی و اونون ترقی و تکاملینی تامین ایده جک لرینه بیزیم جدی ایمانیمیز واردیر.

«آذربایجان» غزه تی. ۱۴ شهریور ۱۳۲۴ ش. ش.، نمره ۲.